

তিনটি মূলনীতি ও তার দলীলসমূহ

লেখক:

শাইখুল ইসলাম মুহাম্মাদ ইবন আবদুল ওয়াহহাব



Rowad Translation Center



Rabwah Association



IslamHouse Website

This book is properly revised and designed by Islamic Guidance & Community Awareness Association in Rabwah, so permission is granted for it to be stored, transmitted, and published in any print, electronic, or other format - as long as Islamic Guidance Community Awareness Association in Rabwah is clearly mentioned on all editions, no changes are made without the express permission of it, and obligation of maintained in high level of quality.



Telephone: +966114454900



Fax: +966114970126



P.O.BOX: 29465



RIYADH: 11557



ceo@rabwah.sa



www.islamhouse.com



পবম করুণাময় অতি দয়ালু আল্লাহর নামে

সকল প্রশংসা আল্লাহর জন্যে, যিনি বিশ্বজগতের রব। আর আল্লাহ সালাত ও সালাম প্রেরণ করুন আমাদের নবী মুহাম্মদ সাল্লাল্লাহু 'আলাইহি ওয়াসাল্লাম, তার পরিবার-পরিজন, তার সাহাবীগণ ও কিয়ামাত পর্যন্ত যারা তার হিদায়াত দ্বারা হিদায়াতপ্রাপ্ত হবে, তাদের সকলের উপরে। অতঃপর-

নিশ্চয় মুসলিম ব্যক্তি যে ব্যাপারে সবচেয়ে বেশী গুরুত্ব প্রদান করবে, আর যে ব্যাপারে সবচেয়ে বেশী আগ্রহী হবে, তা হচ্ছে: আক্বীদার বিষয়াদির সঙ্গে সম্পৃক্ত বিষয়াবলী ও ইবাদাতের মূলনীতিসমূহ। যেহেতু আক্বীদাহর বিষয়বস্তু এবং ইতিবা বা অনুসরণের নির্ভেজাল হওয়ার উপরে আমলসমূহের কবূল হওয়া ও তার মাধ্যমে বান্দার (আখিরাতেব) উপকার হওয়ার বিষয়টি নির্ভরশীল।

এই উন্মাতের উপরে আল্লাহর অনুগ্রহ যে, তিনি তাদের জন্যে অন্ধকারে আলোকবর্তিকা ও হিদায়াতের ইমামদেরকে সহজ লভ্য করেছেন। যারা পথসমূহকে আলোকিত করে আর যা আবশ্যিক ও যা অবৈধ এবং যা ক্ষতিকর ও যা উপকারী তা বর্ণনা করেন। ছোট ও বড় সব বিষয়ে। ইসলাম ও মুসলিমদের পক্ষ হতে আল্লাহ তাদেরকে সর্বোত্তম প্রতিদান দান করুন!

এই সকল ইমামদের মধ্যে অন্যতম ও প্রসিদ্ধ হচ্ছেন, শাইখুল ইসলাম ও মানুষদের অনুকরণীয় ইমাম মুহাম্মাদ ইবনু আব্দুল ওয়াহহাব। আল্লাহ তাকে সর্বোত্তম পুরস্কার ও সওয়াব দান করুন! তাকে বিনা হিসাবে জান্নাতে প্রবেশ করান! তিনি দলীল সহকারে হক বর্ণনা করতে প্রচুর পরিশ্রম করেছেন এবং সে ব্যাপারে তার কলম, ভাষা ও শক্তি দ্বারা জিহাদ করেছেন। অবশেষে আল্লাহ তার মাধ্যমে মানুষদেরকে অশুভতা ও কুফুরীর অন্ধকার হতে নিষ্কৃতি দিয়ে ইলম ও ঈমানের আলোয় আলোকিত করেছেন।

আমাদের সামনে থাকা কিতাবটি হচ্ছে এই ইমামের তিনটি পুস্তিকার সমষ্টি, সেগুলো হচ্ছে: **“তিনটি মূলনীতি ও তার দলীলসমূহ, সালাতের শর্ত, তার রুকন ও ওয়াজিবসমূহ এবং চারটি মূলনীতি।”**



এই পুস্তিকাগুলো হচ্ছে ইবাদাত ও আকীদার মূলনীতি বর্ণনার ক্ষেত্রে সবচেয়ে গুরুত্বপূর্ণ ও সকল বিষয়াদি शामिलকারী। লেখক রহিমাছল্লাহ তাতে প্রতিটি মুসলিমের উপরে তার দিনের গুরুত্বপূর্ণ বিষয়গুলো সম্পর্কে যা জানা ও আমল করা ওয়াজিব, তা একত্রিত করেছেন।

সেই সাথে রয়েছে শিরকের দাওয়াতদানকারীদের সন্দেহসমূহ থেকে মুসলিমকে সতর্ক করা, যারা তাদের ধারণায় মানুষের কাছে শুধু রুবুবিয়্যাতে ক্ষেত্রে শিরকের ওপর আল্লাহর সঙ্গে শিরককে সীমাবদ্ধ করার সন্দেহ সৃষ্টি করে। তিনি [লেখক] তাদের ভ্রান্তিকে বর্ণনা ধরেছেন এবং আল্লাহর কিতাব ও তাঁর রসূল সাল্লাল্লাহু আলাইহি ওয়াসাল্লামের সুন্নাহর মাধ্যমে তাদের সন্দেহকে দূর করেছেন।

লেখক রাহিমাছল্লাহ তা লিপিবদ্ধ করেছেন প্রাথমিক স্তরের শিক্ষানবিশদের জন্য এবং তা সহজ ও সংক্ষেপ করার ক্ষেত্রে খুব শ্রম দিয়েছেন, ফলে তা সর্বোত্তম অবয়বে ও সবচেয়ে বেশী উপকারী হিসেবে আত্মপ্রকাশ করেছে। তার মাধ্যমে ছোটকে বুঝানো যায় এবং বড়ও তার প্রয়োজন থেকে মুক্ত নয়। সুতরাং তার বিষয়গুলোর মর্যাদা অনেক মহান ও তার আলোচ্য বিষয়সমূহের অনেক সম্মানীত হওয়ার কারণে তার ফায়দা ব্যাপক ও তার কল্যাণ অধিক হয়েছে।

আর **(সৌদি আরবের)** ইসলাম, ওয়াকফ, দাওয়াহ ও ইরশাদ বিষয়ক মন্ত্রণালয়ের প্রেস ও পাবলিকেশন্স এজেন্সি এসব পুস্তিকায় যখন অনেক ফায়দা দেখল যা সবচেয়ে সহজ ও সাবলীলভাবে সন্নিবেশিত করা হয়েছে আর তার বিষয়বস্তুও অনেক মর্যাদা ও গুরুত্বপূর্ণ তখন লক্ষ্য করল যে, আল্লাহর সোজা দীন ও নিরাপদ রাস্তার দিকে হিকমতের সঙ্গে আহ্বান করার জন্যে এবং আল্লাহ, তাঁর কিতাব, তাঁর রসূল ও মুসলিমদের জন্যে নসিহত স্বরূপ যার প্রতি গুরুত্বারোপ করা ও যা প্রকাশ করা ওয়াজিব তন্মধ্যে এগুলোই সবচেয়ে উত্তম।

আর আল্লাহ সুবহানাহ ওয়া তা'আলার কাছে আমরা প্রার্থনা করি, তিনি যেন সকল মুসলিমকে তার দিনের গভীর বুঝ দান করেন এবং আল্লাহর কিতাবের ও তাঁর রাসূলের সুন্নাহত অনুসারে আমলের তাওফীক দান করেন! নিশ্চয়ই তিনি সবকিছু শোনে এবং অতি সন্নিহিত। আর আল্লাহ তা'আলা আমাদের নবী মুহাম্মদ সাল্লাল্লাহু আলাইহি ওয়াসাল্লাম এবং তাঁর পরিবার-পরিজন ও সাহাবীদের উপর রহমত ও শান্তি বর্ষণ করুন।

ইসলাম, ওয়াকফ, দাওয়াহ ও ইরশাদ বিষয়ক মন্ত্রণালয়ের প্রতিনিধি ও প্রকাশনা ও প্রচার বিষয়ক সহকারী।

ড. আব্দুল্লাহ ইবন আহমাদ আয-যাইদ।

◆ প্রতিটি মুসলিমের উপর যা শিক্ষা করা আবশ্যিক।

পরম করুণাময় অতি দয়ালু আল্লাহর নামে

জেনে রাখ, আল্লাহ তোমাকে রহমত করুন, আমাদের উপরে চারটি মাসআলা শিক্ষা করা ওয়াজিব।

প্রথম: আল-ইলম, আর তা হচ্ছে দলিলসহ আল্লাহকে জানা, তাঁর নবীকে জানা ও ইসলামের দীনকে জানা।

দ্বিতীয়: তার উপরে আমল করা।

তৃতীয়: তার দিকে দাওয়াত দেওয়া।

চতুর্থ: তাতে কষ্টের উপর সবর করা। আর দলিল হলো, আল্লাহ তা'আলার বাণী: পরম করুণাময় অতি দয়ালু আল্লাহর নামে: “সময়ের শপথ (১) নিশ্চয়ই মানুষ ক্ষতির মাঝে নিপতিত (২) কিন্তু তারা নয়, যারা ঈমান এনেছে এবং সৎকাজ করেছে আর পরস্পরকে উপদেশ দিয়েছে হকের এবং উপদেশ দিয়েছে সবরের।”(৩)[১]

শাফিঈ রাহিমাহুল্লাহ বলেছেন: ‘যদি আল্লাহ তার মাখলুকের কাছে এই সূরা ছাড়া কোনো প্রমাণ (হুজ্জাত) নাযিল না করতেন, তবুও তা তাদের জন্য যথেষ্ট হত।’

বুখারী রাহিমাহুল্লাহ বলেছেন (১খ., ৪৫পৃ.):

অধ্যায়: কথা ও আমলের আগে ইলম করতে হবে। দলীল হচ্ছে আল্লাহর বাণী: “সুতরাং তুমি জেনে রেখ যে, আল্লাহ ছাড়া [সত্য] কোনো ইলাহ নেই। আর তুমি তোমার ভ্রুটি-বিচ্যুতির জন্য ইস্তিগফার (ক্ষমা প্রার্থনা) কর।” [২] তিনি আমল ও কথার পূর্বেই ইলম দ্বারা শুরু করেছেন।”

(তুমি জেনে রেখ), আল্লাহ তোমার উপর রহম করুন! প্রতিটি মুসলিম নর-নারীর উপরে ওয়াজিব হচ্ছে এই তিনটি মাসআলা শিক্ষা করা এবং তার উপরে আমল করা।

প্রথম: নিশ্চয় আল্লাহ তা'আলা আমাদেরকে সৃষ্টি করেছেন, রিযিক দিয়েছেন, আমাদেরকে অনর্থক ছেড়ে দেননি; বরং তিনি আমাদের কাছে একজন রাসূল পাঠিয়েছেন, যে তাঁর অনুসরণ



করবে সে জান্নাতে প্রবেশ করবে। আর যে তার অবাধ্য হবে সে জাহান্নামে প্রবেশ করবে। দলীল হচ্ছে আল্লাহ তা'আলার বাণী: “নিশ্চয় আমরা তোমাদের কাছে রাসূল পাঠিয়েছি তোমাদের উপর সাক্ষীস্বরূপ, যেমন ফির'আউনের কাছে রাসূল পাঠিয়েছিলাম। (১৫) ফির'আউন উক্ত রাসূলের অবাধ্য হল যার ফলে আমি তাকে অত্যন্ত শক্তভাবে পাকড়াও করলাম।” (১৬) [৩] সূরা আল-মুযাশ্বিল, আয়াত: ১৫, ১৬।

দ্বিতীয়: নিশ্চয় আল্লাহ তা'আলা সন্তুষ্ট নন যে, কাউকে তার সাথে ইবাদাতে শরীক করা হোক, না কোনো নৈকট্যপ্রাপ্ত ফিরিশতা আর না কোনো প্রেরিত নবী। এর দলীল হচ্ছে আল্লাহর বাণী: “আর নিশ্চয় মসজিদসমূহ আল্লাহরই জন্য। কাজেই আল্লাহর সাথে তোমরা অন্য কাউকে ডেকো না।” [৪] সূরা আল-জিন: আয়াত: ১৮।

তৃতীয়: যে ব্যক্তি রাসূলের অনুসরণ করল ও আল্লাহকে এক জানল তার জন্য সে ব্যক্তির সাথে বন্ধুত্ব করা জায়েয হবে না যে ব্যক্তি আল্লাহ ও তাঁর রাসূলের বিরুদ্ধাচরণ করবে; যদিও সে তার সবচেয়ে নিকটের হয়। দলীল হচ্ছে আল্লাহর বাণী: “আপনি পাবেন না আল্লাহ ও আখিরাতের উপর ঈমানদার এমন কোনো সম্প্রদায়, যারা ভালবাসে তাদেরকে যারা আল্লাহ ও তাঁর রাসূলের বিরুদ্ধাচরণ করে। হোক না এ বিরুদ্ধাচারীরা তাদের পিতা, পুত্র, ভাই অথবা এদের জ্ঞাতি-গোত্র। এদের অন্তরে আল্লাহ লিখে দিয়েছেন ঈমান এবং তাদেরকে শক্তিশালী করেছেন তাঁর পক্ষ থেকে রূহ দ্বারা। আর তিনি তাদেরকে প্রবেশ করাবেন এমন জান্নাতে, যার পাদদেশে নদীসমূহ প্রবাহিত; সেখানে তারা স্থায়ী হবে; আল্লাহ তাদের প্রতি সন্তুষ্ট হয়েছেন এবং তারাও তাঁর প্রতি সন্তুষ্ট। তাবাই আল্লাহর দল। জেনে রেখ, নিশ্চয় আল্লাহর দলই সফলকাম।” [৫] সূরা আল-মুজাদালাহ: আয়াত: ২২।

◆ হানিফিয়াহ হচ্ছে: ইবরাহীমের ধর্ম। আর তা হচ্ছে: শুধু এক আল্লাহর ইবাদাত করা।

(জেনে রেখ), আল্লাহ তোমাকে তাঁর আনুগত্যের জন্য সঠিক পথ প্রদর্শন করুন, ইবরাহীমের মিল্লাত হানিফিয়াহ হচ্ছে তোমার একমাত্র আল্লাহর ইবাদাত করা তাঁর জন্যে দীনকে খালিস করে। আল্লাহ সকল মানুষকে এরই আদেশ করেছেন আর এ কারণেই তাদেরকে সৃষ্টি করেছেন, যেমনটি আল্লাহ তা'আলা বলেছেন: “আর আমি সৃষ্টি করেছি জিন এবং মানুষকে এ



জান্যেই যে, তারা কেবল আমার ইবাদাত করবে “ [৬] তারা আমার ইবাদাত করবে অর্থ: আমাকে এক জানবে।

আর আল্লাহ যার নির্দেশ দিয়েছেন তন্মধ্যে সবচেয়ে গুরুত্বপূর্ণ হলো তাওহীদ, আর তা হচ্ছে: ইবাদতকে আল্লাহর সঙ্গে খাস করা।

আর আল্লাহ যার থেকে নিষেধ করেছেন তার মধ্যে সবচেয়ে বড় হলো শিরক। আর তা হচ্ছে: আল্লাহর সাথে অন্য কাউকে আহবান করা। দলীল হচ্ছে আল্লাহ তা‘আলার বাণী: “আর তোমরা আল্লাহর ইবাদাত কর এবং তাঁর সাথে কোনো জিনিসকে শরীক কর না।” [৭]

যখন তোমাকে জিজ্ঞেস করা হয়: সেই তিনটি মূলনীতি কী, যা মানুষের জানা ওয়াজিব?

তুমি বল, বান্দার তার রবকে, তার দীনকে ও তার নবী মুহাম্মাদ সাল্লাল্লাহু আলাইহি ওয়াসাল্লামকে জানা।

যখন তোমাকে জিজ্ঞেস করা হয়: তোমার রব কে?

তখন তুমি বল, আমার রব আল্লাহ। যিনি আমাকে এবং সকল সৃষ্টিজগতকে প্রতিপালন করেছেন তাঁর নি‘আমাত দ্বারা। তিনিই আমার মাবুদ, তিনি ছাড়া আমার আর কোনো মাবুদ নেই। দলীল হচ্ছে আল্লাহ তা‘আলার বাণী: “সকল প্রশংসা আল্লাহর জন্যই, যিনি সৃষ্টিজগতের রব।” [৮] আল্লাহ ছাড়া যা কিছু আছে সবই সৃষ্টি। আর আমি সেই সৃষ্টির একজন।

যখন তোমাকে বলা হয়: তুমি কিভাবে তোমার রবকে চিনেছো?

তখন তুমি বল: তাঁর আয়াতসমূহ (নিদর্শনাবলী) ও মাখলুকদের দ্বারা। আর তাঁর আয়াতসমূহের মধ্যে রয়েছে: রাত ও দিন, সূর্য ও চাঁদ। আর তাঁর মাখলুকদের মধ্যে রয়েছে: সাত আসমান, সাত যমীন এবং যা তার অভ্যন্তরে রয়েছে ও যা তার মধ্যবর্তী স্থানে রয়েছে। দলীল হচ্ছে আল্লাহ তা‘আলার বাণী: “আর তাঁর নিদর্শনাবলীর মধ্যে রয়েছে রাত ও দিন, সূর্য ও চাঁদ। তোমরা সূর্যকে সিন্দা করো না, চাঁদকেও নয়; আর সিন্দা কর আল্লাহকে, যিনি এগুলো সৃষ্টি করেছেন, যদি তোমরা কেবল তাঁরই ইবাদাত কর।” [৯] সূরা ফুসসিলাত: আয়াত: ৩৭।



আর আল্লাহ তা'আলার বাণী: “নিশ্চয় তোমাদের রব আল্লাহ যিনি আসমানসমূহ ও যমীন ছয়দিনে সৃষ্টি করেছেন; তারপর তিনি ‘আরশের উপর উঠেছেন। তিনিই দিনকে রাত দিয়ে ঢেকে দেন, তাদের একে অন্যকে দ্রুতগতিতে অনুসরণ করে। আর সূর্য, চাঁদ ও নক্ষত্ররাজি, যা তাঁরই হুকুমের অনুগত। জেনে রেখ, সৃজন ও আদেশ তাঁরই। সৃষ্টিজগতের রব আল্লাহ কত বরকতময়।” [১০] সূরা আরাফ: আয়াত :৫৪।

আর রবই হলেন মা'বুদ। দলীল হচ্ছে আল্লাহ তা'আলার বাণী: “হে মানুষ! তোমরা তোমাদের সেই রব এর ইবাদাত করো যিনি তোমাদেরকে এবং তোমাদের পূর্ববর্তীদেরকে সৃষ্টি করেছেন, যাতে তোমরা তাকওয়া অবলম্বন করতে পার(২১) যিনি যমীনকে তোমাদের জন্য বিছানা ও আসমানকে করেছেন ছাদ এবং আকাশ হতে পানি অবতীর্ণ করে তা দ্বারা তোমাদের জীবিকার জন্য ফলমূল উৎপাদন করেছেন। কাজেই তোমরা জেনে শুনে কাউকে আল্লাহর সমকক্ষ দাঁড় করিও না।” [১১] সূরা আল-বাকারা, আয়াত: ২১-২২।

ইবনু কাসীর রাহিমাহল্লাহ বলেন: “এসব বস্তুর সৃষ্টিকর্তাই ইবাদাতের যোগ্য।”

◆ আল্লাহ যেসব ইবাদতের নির্দেশ দিয়েছেন তার প্রকারভেদ:

আল্লাহ যেসব ইবাদতের নির্দেশ দিয়েছেন তার প্রকারভেদ, যেমন: ইসলাম, ঈমান ও ইহসান। এর মধ্যে আরো রয়েছে: দু'আ, ভয়, আশা, তাওয়াক্কুল, আগ্রহ, ভীতি, নম্রতা, আশংকা, বিনয়াবনত হওয়া, সাহায্য প্রার্থনা করা, আশ্রয় চাওয়া, ফরিয়াদ তলব করা, যবেহ করা, মানত করাসহ আরো অন্যান্য ইবাদাত, যেগুলোর ব্যাপারে আল্লাহ আদেশ করেছেন, তার সম্পূর্ণটুকুই আল্লাহর জন্য। দলীল হচ্ছে আল্লাহ তা'আলার বাণী: “আর নিশ্চয় মসজিদসমূহ আল্লাহরই জন্য। কাজেই আল্লাহর সাথে তোমরা অন্য কাউকে ডেকো না।” [১২] সূরা আল-জিন: আয়াত:১৮।

আর যে ব্যক্তি এগুলো থেকে কোনো জিনিস গায়রুল্লাহকে সোপর্দ করবে, সে কাফির-মুশরিক। দলীল হচ্ছে আল্লাহ তা'আলার বাণী: “আর যে ব্যক্তি আল্লাহর সাথে অন্য কোনো ইলাহকে ডাকে, যার ব্যাপারে তার নিকট কোনো প্রমাণ নেই; তার হিসাব তো তার রব-এর



নিকটই আছে; নিশ্চয় কাফেররা সফলকাম হবে না।” [১৩] সূরা আল-মুমিনুন, আয়াত: ১১৭।

আর হাদীসে এসেছে: (দু‘আ হচ্ছে ইবাদতের মগজ) [১৪] এর দলীল হলো আল্লাহ তা‘আলার বাণী: “আর তোমাদের রব বলেছেন: ‘তোমরা আমাকে ডাক, আমি তোমাদের ডাকে সাড়া দেব। নিশ্চয় যারা অহংকারবশে আমার ইবাদাত থেকে বিমুখ থাকে, তারা অচিরেই জাহান্নামে প্রবেশ করবে লাঞ্চিত হয়ে।” [১৫] সূরা গাফির, আয়াত: ৬০।

ভয়ের দলীল হচ্ছে, আল্লাহ তা‘আলার বাণী: “সুতরাং তোমরা তাদেরকে ভয় কর না: বরং আমাকে ভয় কর, যদি তোমরা মুমিন হয়ে থাক।” [১৬] সূরা আলে ইমরান: আয়াত : ১৭৫।

আশার দলীল হচ্ছে, আল্লাহ তা‘আলার বাণী: “সুতরাং যে তার রবের সাক্ষাৎ আশা করে, সে যেন সংকর্মে এবং তার রবের ইবাদাতে অন্য কাউকে শরীক না করে।” [১৭] সূরা আল-কাহফ, আয়াত: ১১০।

তাওয়াক্কুলের দলীল হচ্ছে, আল্লাহ তা‘আলার বাণী: “যদি তোমরা মুমিন হও, তাহলে আল্লাহর ওপরই ভরসা করবে।” [১৮] সূরা আল-মায়দা: ২৩। “আর যে ব্যক্তি আল্লাহর ওপর ভরসা করে, তিনিই তার জন্য যথেষ্ট।” [১৯] সূরা আত্ব-স্বলাক, আয়াত: ৩।

আগ্রহ, ভীতি ও বিনম্রতার দলীল হচ্ছে আল্লাহ তা‘আলার বাণী: “নিশ্চয় তারা সংকাজে প্রতিযোগিতা করত। আর আমাকে আগ্রহ ও ভীতি সহকারে ডাকত। আর তারা ছিল আমার নিকট বিনম্র।” [২০]

আশংকা (জনিত ভয়) এর দলীল হচ্ছে, আল্লাহ তা‘আলার বাণী: “সুতরাং তোমরা তাদের থেকে আশংকা জনিত ভয় করো না, আর আমাকেই ভয় করো।” [২১] সূরা আল-মায়িদাহ, আয়াত: ৩।

বিনয়াবনত হওয়ার দলীল হচ্ছে, আল্লাহ তা‘আলার বাণী: “এবং তোমরা তোমাদের রবের প্রতি বিনয়াবনত হও আর তার প্রতিই আল্লাসমর্পণ কর।” [২২] সূরা আশ-শুমার, আয়াত: ৫৪।



সাহায্য প্রার্থনার দলীল হচ্ছে, আল্লাহ তা'আলার বাণী: “আমরা শুধু আপনারই ইবাদাত করি এবং শুধু আপনারই সাহায্য প্রার্থনা করি।” [২৩] আল-ফতিহা, আয়াত: ০৫।

হাদীসে এসেছে: “যখন তুমি সাহায্য প্রার্থনা করবে, তখন আল্লাহর কাছেই সাহায্য প্রার্থনা করবে।” [২৪]

আশ্রয় প্রার্থনার দলীল হচ্ছে, আল্লাহ তা'আলার বাণী: “বলুন, ‘আমি আশ্রয় প্রার্থনা করছি মানুষের রবের কাছে। (১) মানুষের অধিপতির কাছে।’”(২) [২৫]

ফরিয়াদ তলব করার দলীল হচ্ছে, আল্লাহ তা'আলার বাণী: “আর স্মরণ কর, যখন তোমরা তোমাদের রবের নিকটে সাহায্য প্রার্থনা করছিলে, তখন তিনি তোমাদেরকে জবাব দিলেন।” [২৬] আল-আনফাল, আয়াত: ০৯।

যবেহ এর দলীল হচ্ছে, আল্লাহ তা'আলার বাণী: “বলুন, ‘আমার সালাত, আমার কুরবানী, আমার জীবন ও আমার মরণ বিশ্বজগতের রব আল্লাহরই জন্য।’ (১৬২) তাঁর কোনো শরীক নেই। আর আমাকে এরই নির্দেশ প্রদান করা হয়েছে এবং আমি মুসলিমদের মধ্যে প্রথম।” (১৬৩) [২৭] সূরা আল-আন'আম, আয়াত: ১৬২, ১৬৩।

আর হাদীস থেকে দলীল হচ্ছে: “যে ব্যক্তি আল্লাহ ছাড়া কারো জন্যে যবেহ করল, আল্লাহ তাকে লা'নত প্রদান করেছেন।” [২৮]

মানতের দলীল হচ্ছে, আল্লাহ তা'আলার বাণী: “তাঁরা মানত পূর্ণ করে এবং সে দিনের ভয়ে করে, যে দিনের অকল্যাণ হবে ব্যাপক।” [২৯] সূরা আদ-দাহর, আয়াত: ৭।

◆ দ্বিতীয় মূলনীতি: দীন ইসলামকে দলীলসহ জানা।

আর তা হচ্ছে: তাওহীদসহ আল্লাহর জন্যে আত্মসমর্পণ করা, আনুগত্যসহ তাঁর অনুগত হওয়া এবং শিরক হতে মুক্ত থাকা। এর তিনটি স্তর রয়েছে:

(ইসলাম), (ঈমান) এবং (ইহসান)। আর প্রত্যেক স্তরেরই কতিপয় রুকন রয়েছে।

• প্রথম স্তর: ইসলাম

ইসলামের রুকন পাঁচটি: সাক্ষ্য দেওয়া যে, আল্লাহ ব্যতীত কোনো সত্য ইলাহ নেই এবং মুহাম্মাদ আল্লাহর রসূল। সালাত কায়েম করা, যাকাত আদায় করা, রমাধানে সিয়াম পালন করা এবং আল্লাহর সম্মানিত ঘরের হজ পালন করা।

সাক্ষ্য দেওয়ার দলীল হচ্ছে আল্লাহর বাণী: “আল্লাহ সাক্ষ্য দেন যে, তিনি ছাড়া কোনো (সত্য) ইলাহ নেই, আর মালামেকা ও জ্ঞানীগণও। তিনি ন্যায় দ্বারা প্রতিষ্ঠিত। তিনি ছাড়া কোনো (সত্য) ইলাহ নেই। তিনি পরাক্রমশালী, প্রজ্ঞাময়।” [৩০] সূরা আলে ইমরান: আয়াত : ১৮। এর অর্থ হচ্ছে: এক আল্লাহ ছাড়া সত্য কোনো মা'বুদ নেই। ‘লা ইলাহা’ এটি আল্লাহ ব্যতীত যাদের ইবাদত করা হয় তাদের সবাইকে নাকচ করে দেয়। আর ‘ইল্লাল্লাহ’ এক আল্লাহর জন্যে ইবাদতকে সাব্যস্ত করে। যেমন আল্লাহর রাজত্বে তাঁর কোনো শরীক নেই, তেমন তাঁর ইবাদতেও তাঁর কোনো শরীক নেই। লা-ইলাহা ইল্লাল্লাহ ব্যাখ্যাকে আরো স্পষ্ট করে আল্লাহ তা'আলার বাণী: “স্মরণ কর! যখন ইবরাহীম তার পিতা ও তার কওমকে বলেছিল, নিশ্চয় আমি তোমরা যা কিছু ইবাদত কর, তা থেকে মুক্ত। তবে তিনি ব্যতীত যিনি আমাকে সৃষ্টি করেছেন অতঃপর নিশ্চয় তিনি শীঘ্রই আমাকে সংপথে পরিচালিত করবেন। (২৭) “আর এ ঘোষণাকে তিনি তার উত্তরসূরীদের মধ্যে চিরন্তন বাণী বানিয়েছেন, যাতে তারা ফিরে আসে।” [৩১] আয-যুখরুফ, আয়াত: ২৬-২৭-২৮।

আর আল্লাহ তা'আলা বাণী: “বলুন, ‘হে কিতাবীগণ! তোমরা এমন কথার দিকে আস, যেটি আমাদের মধ্যে ও তোমাদের মধ্যে সমান। আর তা হচ্ছে, আমরা একমাত্র আল্লাহ ছাড়া কারো ইবাদত না করি। আর তার সাথে কোনো কিছুকে শরীক না করি এবং আমাদের কেউ কাউকে আল্লাহ ছাড়া রব হিসাবে গ্রহণ না করি’। তারপর যদি তারা বিমুখ হয় তবে বল, ‘তোমরা সাক্ষী থাক যে, নিশ্চয় আমরা মুসলিম।’ [৩২] আলু ইমরান : ৬৪

‘মুহাম্মাদ আল্লাহর রাসূল’ সাক্ষীর দলীল আল্লাহ তা'আলার বাণী: “অবশ্যই তোমাদের নিকট তোমাদের মধ্য হতেই একজন রসূল এসেছেন, তোমাদের যে দুঃখ-কষ্ট হয়ে থাকে তা তার জন্য বড়ই বেদনাদায়ক। তিনি তোমাদের মঙ্গলকামী, মুমিনদের প্রতি তিনি করুণাশীল ও অতি দয়ালু।” [৩৩] আত-তাওবাহ, আয়াত: ১২৮। ‘মুহাম্মাদ আল্লাহর রাসূল’



এর অর্থ হচ্ছে: তিনি যা আদেশ করেছেন তাতে তার আনুগত্য করা, তিনি যা সংবাদ দিয়েছেন, তাতে তাকে বিশ্বাস করা, তিনি যা হতে নিষেধ করেছেন ও ধমক দিয়েছেন তা হতে দূরে থাকা এবং তিনি যার অনুমোদন দিয়েছেন তা ছাড়া আল্লাহর ইবাদাত না করা।

সালাত, যাকাত ও তাওহীদের ব্যাখ্যার দলীল হচ্ছে আল্লাহর বাণী: **“আর তাদেরকে কেবল এ নির্দেশই প্রদান করা হয়েছিল যে, তারা যেন আল্লাহর ইবাদাত করে তাঁরই জন্য দীনকে একনিষ্ঠ করে এবং সালাত কামেম করে ও যাকাত প্রদান করে। আর এটাই সঠিক দীন।”** [৩৪] আল-বাইয়িনাহ, আয়াত: ৫।

সিয়াম পালনের দলীল হচ্ছে, আল্লাহ তা‘আলার বাণী: **“হে মুমিনগণ ! তোমাদের জন্য সিয়ামের বিধান দেয়া হল, যেমন বিধান তোমাদের পূর্ববর্তীদেরকে দেয়া হয়েছিল, যাতে তোমরা তাকওয়ার অধিকারী হতে পার।”** [৩৫] আল-বাক্বারাহ, আয়াত: ১৮৩।

হজের দলীল হচ্ছে, আল্লাহ তা‘আলার বাণী: **“এবং সামর্থ্যবান মানুষের উপর আল্লাহর জন্য বায়তুল্লাহর হজ্জ করা ফরয। আর যে কুফরী করে, তবে আল্লাহ তো নিশ্চয় সৃষ্টিকুল থেকে অমুখাপেষ্টী।”** [৩৬] আলু-ইমরান, আয়াত: ৯৭।

• দ্বিতীয় স্তর হচ্ছে: ঈমান

ঈমান হলো সত্ত্বের বেশী কয়েকটি শাখা রয়েছে। তার মধ্যে সর্বোত্তম (শাখা) ‘লা ইলাহা ইল্লাল্লাহ’ বলা এবং সর্বনিম্ন (শাখা) রাস্তা থেকে কষ্টদায়ক জিনিস (পাথর বা কাঁটা ইত্যাদি) দূরীভূত করা। আর লজ্জা ঈমানের একটি শাখা।

ঈমানের রুকন ছয়টি: **“তুমি আল্লাহর প্রতি, তাঁর ফিরিশতা, কিতাবসমূহ, রাসূলগণ, আখেরাত দিবস ও তাকদীরের ভালো-মন্দের প্রতি ঈমান আনবে।”**

এই ছয়টি রুকনের দলীল হচ্ছে, আল্লাহ তা‘আলার বাণী: **“ভালো কাজ শুধু এটা নয় যে, তোমরা তোমাদের চেহারা পূর্ব ও পশ্চিম দিকে ফিরাবে; বরং ভালো কাজ হল যে ব্যক্তি ঈমান আনে আল্লাহ, শেষ দিবস, মালায়েকাগণ, কিতাব ও নবীগণের উপরে।”** [৩৭] আল-বাক্বারাহ, আয়াত: ১৭৭।

তাকদীরের দলীল হচ্ছে, আল্লাহ তা‘আলার বাণী: **“নিশ্চয় আমরা প্রত্যেক জিনিস সৃষ্টি করেছি নির্ধারিত পরিমাপে।”** [৩৮] আল-ক্বামার, আয়াত: ৪৯।

• তৃতীয় স্তর হচ্ছে: 'ইহসান', এর একটি রুকন

তা হচ্ছে: তুমি আল্লাহর ইবাদাত করবে এমনভাবে যেন তুমি তাঁকে দেখতে পাচ্ছ, আর যদিও তুমি তাঁকে দেখতে না পাও, তবে তিনি তোমাকে দেখছেন। এর দলীল হচ্ছে আল্লাহ তা'আলার বাণী: **“নিশ্চয় আল্লাহ তাদের সঙ্গে আছেন যারা তাকওয়া অবলম্বন করে এবং যারা মুহসিনা।”** [৩৯] আন-নাহল, আয়াত: ১২৮।

আর আল্লাহ তা'আলা বাণী: **“আর আপনি নির্ভর করুন পরাক্রমশালী, পরম দয়ালু আল্লাহর উপর।(২১৭) যিনি আপনাকে দেখেন যখন আপনি দাঁড়ান।(২১৮) এবং সিজদাকারীদের মাঝে আপনার উঠাবসা।(২১৯) তিনি তো সর্বশ্রোতা, সর্বজ্ঞ।”** [৪০] শু'আরা, আয়াত: ২১৭-২২০।

আর আল্লাহ তা'আলা বাণী: **“আর তুমি যে অবস্থাতেই থাক না কেন, আর যা কিছুই তিলাওয়াত কর না কেন আল্লাহর পক্ষ হতে কুরআন থেকে এবং তোমরা যে আমলই কর না কেন, আমি তোমাদের উপর সাক্ষী থাকি, যখন তোমরা তাতে গভীরভাবে মনোযোগী হও।”** [৪১] ইউনুস, আয়াত: ৬১।

সুন্নাহ হতে দলীল: প্রসিদ্ধ হাদীসে জিবরীল, যা উমার ইবনুল খাত্তাব রাদিয়াল্লাহু 'আনহু হতে বর্ণিত, তিনি বলেছেন:

একদা আমরা নাবী সাল্লাল্লাহু আলাইহি ওয়াসাল্লামের কাছে বসা ছিলাম, তখন একজন লোক আগমন করলেন, যিনি ধবধবে সাদা কাপড় পরিহিত ও কুচকুচে কালো চুলের অধিকারী ছিলেন। তার গায়ে সফরের কোনো চিহ্ন ছিল না আবার আমরা কেউ তাকে চিনতেও পারিনি। তিনি নবী সাল্লাল্লাহু আলাইহি ওয়াসাল্লামের কাছে বসে তার হাঁটুর সাথে হাঁটু লাগিয়ে দিলেন আর তার হাতের তালুদ্বয় তার উরুদ্বয়ের উপরে রাখলেন আর বললেন: হে মুহাম্মাদ, আমাকে ইসলাম সম্পর্কে বলুন। তিনি বললেন: **“তুমি সাক্ষ্য দিবে যে, আল্লাহ ছাড়া সত্য কোনো ইলাহ (মাবুদ) নেই এবং মুহাম্মাদ সাল্লাল্লাহু আলাইহি ওয়াসাল্লাম আল্লাহর রাসূল, সালাত কামেম করবে, যাকাত আদায় করবে, রমাধানের সিয়াম পালন করবে এবং যদি পথ অতিক্রম করার সামর্থ্য হয় তাহলে বাইতুল্লাহর হজ্জ করবে।”** তিনি বললেন: আপনি সত্যই বলেছেন। **(বর্ণনাকারী উমার বললেন:)** আমরা তার কথা শুনে অবাক হলাম; কেননা তিনি প্রশ্ন করছেন আবার তার জবাবের সত্যায়নও করছেন।



এরপর তিনি বললেন: আমাকে ঈমান সম্পর্কে বলুন। তিনি বললেন: তুমি ঈমান আনবে আল্লাহ, তাঁর মালায়েকাগণ, তাঁর কিতাবসমূহ, তাঁর রাসূলগণ, শেষ দিবস এবং তাকদীর ও তার ভালো-মন্দের প্রতি। তিনি বললেন: আমাকে ইহসান সম্পর্কে বলুন। তিনি বললেন: তুমি এমনভাবে আল্লাহর ইবাদাত করবে যেন তাকে দেখছো, যদি তাকে না দেখা তাহলে অবশ্যই তিনি তোমাকে দেখছেন। তিনি বললেন: আমাকে কিয়ামাত সম্পর্কে বলুন। তিনি বললেন: এ ব্যাপারে জিজ্ঞাসাকারীর চেয়ে জিজ্ঞাসিত ব্যক্তি বেশি কিছু জানে না। অতঃপর বললেন: তাহলে আমাকে তার নির্দশনসমূহ সম্পর্কে বলুন। তিনি বললেন: দাসী তার মনিবকে প্রসব করবে এবং তুমি **(এককালের)** নগ্নপদ, বস্ত্রহীন, দরিদ্র, বকরীর রাখালদের দালাল-কোঠায় গর্ব-অহংকার করতে দেখবে। তিনি **(বর্ণনাকারী উমার)** বলেন: এরপর লোকটি চলে গেলেন। আমরা বেশ কিছুক্ষণ অপেক্ষা করলাম। তারপর তিনি **(সাল্লাল্লাহু আলাইহি ওয়া সাল্লাম)** আমাকে বললেন: হে উমার! তুমি কি জান প্রস্নকারী কে? আমরা বললাম, আল্লাহ ও তাঁর রাসূলই ভালো জানেন। তিনি বললেন: এ হলো জিবরীল। তোমাদের কাছে তোমাদেরকে তোমাদের দীন শিক্ষা দিতে এসছেন। [৪২]

◆ তৃতীয় মূলনীতি: তোমাদের নবী মুহাম্মাদ

সাল্লাল্লাহু আলাইহি ওয়াসাল্লামকে জানা।

তিনি হলেন মুহাম্মাদ ইবনু আদিল্লাহ ইবনু আদিল মুতালিব ইবনু হাশিম। আর হাশিম হলেন কুরাইশের মধ্য হতে, কুরাইশ আরবদের মধ্য হতে আর আরব ইবরাহীম খলীলের পুত্র ইসমাঈলের বংশধর। তার উপরে এবং আমাদের নবীর উপরে আল্লাহর সর্বোত্তম সালাত ও সালাম বর্ষিত হোক।

তার মোট তেঁষড়ি বছর বয়স হয়েছিল, যার মধ্যে চল্লিশ বছর নবুওয়তের আগে এবং তেঁইশ বছর নবী ও রসূল হিসেবে। 'أفراً' দ্বারা তিনি নবুওয়াত প্রাপ্ত হয়েছেন আর 'المدر' দ্বারা তিনি রিসালাত লাভ করেছেন। তার শহর হলো মক্কা। আল্লাহ তাকে শিরক সম্পর্কে সতর্কতা ও তাওহীদের দিকে আহ্বানকারী হিসেবে প্রেরণ করেছেন। দলীল হচ্ছে আল্লাহ তা'আলার বাণী: **“হে বস্বাছাদিত (১) উঠুন, অতঃপর সতর্ক করুন (২) আর আপনার রবের শ্রেষ্ঠ ঘোষণা করুন (৩) আর আপনার কাপড় পবিত্র করুন (৪) আর শিরক পবিত্যগ করুন (৫)**



আর বেশী পাওয়ার প্রত্যাশায় দান করবেন না (৬) এবং আপনার রবের উদ্দেশ্যে সবর করা।”(৭) [৪৩] আল-মুদাসসির, আয়াত: ১-৭।

উঠুন এবং সতর্ক করুন, এর অর্থ হচ্ছে: তিনি শিরক হতে সতর্ক করবেন আর তাওহীদের দিকে দাওয়াত দিবেন। ‘আর আপনার রবের শ্রেষ্ঠত্ব ঘোষণা করুন’: তাওহীদের মাধ্যমে তাঁর বড়ত্ব ঘোষণা করুন। আর আপনার পরিচ্ছদ পবিত্র করুন: আপনার আমলসমূহকে শিরক হতে পবিত্র করুন। আর শিরক / মূর্তি পরিহার করুন। আয়াতে الرجز শব্দের অর্থ: মূর্তিসমূহ। আর তা পরিহার করা হলো, তা এবং তার পূজারীদের পরিহার করা এবং তার থেকে ও তার পূজারীদের থেকে মুক্ত থাকা।

এর উপর ভিত্তি করে তিনি দশ বছর তাওহীদের দিকে আহ্বান করেন। দশ বছর পরে তাকে আসমানে নেওয়া হয় এবং তার উপরে পাঁচ ওয়াক্ত সালাত ফরজ করা হয়। তিনি মক্কায় তিন বছর সালাত আদায় করেন এবং তারপর তাকে মদীনায় হিজরত করার আদেশ দেওয়া হয়। হিজরত হচ্ছে: শিরকের এলাকা থেকে ইসলামের এলাকাতে স্থানান্তর হওয়া। এই উম্মাহর উপর শিরকের এলাকা থেকে ইসলামের এলাকায় হিজরত করা ফরয। আর তা কিয়ামত কায়ম হওয়ার আগ পর্যন্ত বলবৎ থাকবে।

দলীল হলো আল্লাহ তাআলার বাণী: “যারা নিজেদের উপর মূলুম করে তাদের প্রাণ গ্রহণের সময় ফেরেশতাগণ বলে, ‘তোমরা কি অবস্থায় ছিলে?’ তারা বলে, ‘দুনিয়ায় আমরা অসহায় ছিলাম;’ তারা বলে, ‘আল্লাহর যমীন কি এমন প্রশস্ত ছিল না যেখানে তোমরা হিজরত করতে?’ এদেরই আবাসস্থল জাহান্নাম, আর তা কত মন্দ আবাস! (১৭) তবে যেসব অহসায় পুরুষ, নারী ও শিশু কোনো উপায় অবলম্বন করতে পারে না এবং কোনো পথও পায় না। (১৮) আল্লাহ অচিরেই তাদের পাপ মোচন করবেন, কারণ আল্লাহ পাপ মোচনকারী, ক্ষমাশীল।”(১৯) [৪৪] আন-নিসা, আয়াত: ১৭-১৯।

আর আল্লাহ তাআলা বাণী: “হে আমার মুমিন বান্দাগন! নিশ্চয় আমার যমীন প্রশস্ত; কাজেই তোমরা আমারই ইবাদাত করা।” [৪৫] আল-আনকাবুত, আয়াত: ৫৬।

ইমাম বাগাত্তী রাহিমাল্লাহ বলেন: যেসব মুসলিম হিজরত না করে মক্কায় রয়েগিয়েছিল তারা এই আয়াতটি নাশিল হওয়ার কারণ। আল্লাহ তাদেরকে ঈমানের নামে (মুমিন বলে) আহ্বান করেছেন।



সুল্লাহ হতে হিজরতের দলীল হচ্ছে: নবী (সাল্লাল্লাহু আলাইহি ওয়াসাল্লাম) এর বাণী: **“হিজরত ততদিন পর্যন্ত শেষ হবে না যতদিন না তাওবার পথ খোলা রয়েছে, আর তাওবা ততদিন পর্যন্ত শেষ হবে না, যতদিন না সূর্য তার পশ্চিম দিক থেকে উদিত হবে।”** [৪৬] যখন তিনি মদীনায শ্বির হলেন, তখন তাকে শরীয়াতের বাকি বিধানগুলো দেওয়া হয়, যেমন: যাকাত, সিয়াম, হজ্জ, আজান, জিহাদ, সৎ কাজের আদেশ, অসৎ কাজ হতে নিষেধ এবং ইসলামের অন্যান্য শরীয়াতসমূহ। আর এর উপর তিনি দশ বছর অবস্থান করেন।

তিনি (আল্লাহর সালাত ও সালাম তার উপরে নাযিল হোক) মারা গেছেন কিন্তু তার দীন অবশিষ্ট। এটাই তার দীন। কোনো কল্যাণ নেই যার পথ তাঁর উম্মাহকে দেখাননি আর কোনো অকল্যাণ নেই যার থেকে তাঁর উম্মাহকে সতর্ক করেননি। আর তিনি তাঁর উম্মাতকে যে কল্যাণের পথ দেখিয়েছেন তা হচ্ছে তাওহীদ এবং এমন সকল কাজ যাতে আল্লাহ খুশি ও সন্তুষ্ট হন। আর যে অকল্যাণ হতে তিনি তাঁর উম্মাতকে সতর্ক করেছেন তা হচ্ছে শিরক এবং যা আল্লাহ অপছন্দ করেন ও প্রত্যাখ্যান করেন। আল্লাহ তাকে সমস্ত মানুষের জন্য প্রেরণ করেছিলেন। এবং তার আনুগত্য ফরয করেছিলেন সমস্ত জিন ও ইনসানের উপরে। দলীল হচ্ছে আল্লাহ তা'আলার বাণী: **“বলুন, হে মানব সম্প্রদায়, আমি তোমাদের সকলের নিকট আল্লাহর রাসূল।”** [৪৭] আল-আ'রাফ, আয়াত: ১৫৮। আল্লাহ তা'আলা তাঁর মাধ্যমে দীনকে পূর্ণ করেছেন।

দলীল হলো আল্লাহ তা'আলার বাণী: **“আজকের দিন আমি তোমাদের জন্য তোমাদের দীনকে পরিপূর্ণ করেছি। আর তোমাদের ওপর আমার নিআমতকে সম্পন্ন করছি। আর ইসলামকে তোমাদের জন্য দীন হিসেবে মনোনীত করছি।”** [৪৮] আল-মায়িদাহ, আয়াত: ৩।

নবী সাল্লাল্লাহু আলাইহি ওয়াসাল্লামের মৃত্যুর দলীল হচ্ছে আল্লাহ তা'আলার বাণী: **“তুমি তো মরণশীল এবং তারাও মরণশীল (৩০) তারপর কিয়ামতের দিন নিশ্চয় তোমরা তোমাদের রবের সামনে পরস্পর বাক-বিতণ্ডা করবে।”** [৪৯] আয-যুমার, আয়াত: ৩০-৩১। আর মানুষেরা যখন মারা যাবে, তখন তাদেরকে পুনরুত্থিত করা হবে, দলীল হচ্ছে আল্লাহর বাণী: **“আমরা মাটি থেকে তোমাদেরকে সৃষ্টি করেছি, তাতেই তোমাদেরকে ফিরিয়ে দেব এবং তা থেকেই পুনর্বীর তোমাদেরকে বের করব।”** [৫০] স্বহা, আয়াত: ৫৫।



আর আল্লাহ তা'আলা বাণী: **“তিনি তোমাদেরকে উদ্ধৃত করেছেন মাটি হতে।(১৭) “তারপর তাতে তিনি তোমাদেরকে ফিরিয়ে নেবেন এবং পরে নিশ্চিতভাবে বেঁধে করে নিবেন।”(১৮) [৫১] নূহ, আয়াত: ১৭-১৮। পুনরুত্থানের পরে তাদের হিসাব হবে এবং তাদের আমল অনুসারে প্রতিদান পাবে। দলীল হচ্ছে আল্লাহ তা'আলার বাণী: “আর আসমানসমূহে যা কিছু আছে ও যমীনে যা কিছু আছে তা আল্লাহরই। যাতে তিনি তাদের কাজের প্রতিফল দিতে পারেন যারা মন্দ কাজ করে এবং তাদেরকে তিনি উত্তম পুরস্কার দিতে পারেন যারা সৎকাজ করে।” [৫২] আন-নাজম, আয়াত: ৩১।**

যে পুনরুত্থানকে মিথ্যা মনে করল, সে কুফুরী করল। দলীল হচ্ছে আল্লাহ তা'আলার বাণী: **“যারা কুফুরী করেছে তারা ধারণা করে যে, তাদেরকে কখনো পুনরুত্থিত করা হবে না। বলুন, ‘অবশ্যই হ্যাঁ, আমার রবের শপথ! তোমাদেরকে অবশ্যই পুনরুত্থিত করা হবে। তারপর তোমরা যা করতে সে সম্বন্ধে তোমাদেরকে অবশ্যই অবহিত করা হবে। আর তা আল্লাহর পক্ষে সহজ।” [৫৩] আত-তাগাবুন, আয়াত: ৭। আর আল্লাহ তা'আলা সকল রসূলকে সুসংবাদ দানকারী ও ভীতি প্রদর্শনকারী হিসেবে প্রেরণ করেছেন, দলীল হচ্ছে আল্লাহ তা'আলার বাণী: **“সুসংবাদদাতা ও ভীতি প্রদর্শনকারী রসূলগণকে প্রেরণ করেছি, যাতে রাসূলগণ আসার পর আল্লাহর বিরুদ্ধে মানুষের কোনো অভিযোগ না থাকে।” [৫৪] আন-নিসা, আয়াত: ১৬৫। আর তাদের [রাসূলদের] মধ্যে প্রথম হচ্ছেন নূহ আলাইহিস সালাম আর শেষ হচ্ছেন মুহাম্মাদ সাল্লাল্লাহু আলাইহি ওয়াসাল্লাম। আর তিনিই সর্বশেষ নবী।****

নূহ 'আলাইহিস সালাম তাদের মধ্যে প্রথম এর দলীল হচ্ছে, আল্লাহ তা'আলার বাণী: **“নিশ্চয় আমি তোমার নিকট অহী পাঠিয়েছি, যেমন অহী পাঠিয়েছিলাম নূহ ও তার পরবর্তী নবীগণের নিকট।” [৫৫] আন-নিসা, আয়াত: ১৬৩। আর আল্লাহ তা'আলা নূহ থেকে মুহাম্মাদ পর্যন্ত রাসূলদেরকে যেসব উম্মাতের কাছে প্রেরণ করেছেন তারা তাদের উম্মতকে এক আল্লাহর ইবাদাতের আদেশ করতেন এবং তাদেরকে তাগুতের ইবাদাত হতে নিষেধ করতেন। দলীল হচ্ছে আল্লাহ তা'আলার বাণী: **“আর আমি অবশ্যই প্রত্যেক জাতিতে রাসূল প্রেরণ করেছি; একারণে যে, তোমরা আল্লাহর ইবাদাত করবে এবং পরিহার করবে তাগুতকে।” [৫৬] আন-নাহল, আয়াত: ৩৬। আল্লাহর উপরে ঈমান আনা ও তাগুতকে অস্বীকার করা আল্লাহ তা'আলা সকল বান্দার উপরে ফরয করেছেন।****



ইবনুল কাইয়েম রাহিমাছল্লাহ তা'আলা বলেন: তাগুতের অর্থ হচ্ছে: এমন (বাতিল) মা'বুদ অথবা অনুসরণীয় সত্ত্বা অথবা অনুকরণীয় ব্যক্তিত্ব বান্দা যাকে নিয়ে তার সীমা অতিক্রম করে। তাগুত্ব অনেক: তাদের প্রধান হচ্ছে পাঁচজন: ১) ইবলিস, তার উপর আল্লাহর লা'নাত করেছেন। ২) যার ইবাদাত করা হয় এমন অবস্থায় যে সে তাতে খুশি ৩) যে মানুষদেরকে তার নিজের ইবাদাতের দিকে আহবান করে ৪) যে গায়েবের ইলমের দাবী করে এবং ৫) যে ব্যক্তি আল্লাহ যা নামিল করেননি এমন বিষয় দ্বারা ফয়সালা করে।

দলীল হলো আল্লাহ তা'আলার বাণী: “দীন গ্রহণের ব্যাপারে কোনো জোর-জবরদস্তি নেই; সত্য পথ সুস্পষ্ট হয়েছে ব্রাহ্ম পথ থেকে। অতএব, যে তাগুতকে অস্বীকার করবে ও আল্লাহর উপরে ঈমান আনবে সে এমন এক দূততর রজু ধারণ করল যা কখনো ছিড়ে যাাবে না। আর আল্লাহ সর্বপ্রোতা ও সর্বজ্ঞানী।” [৫৭] আল-বাক্বারাহ, আয়াত: ২৫৬। আর এটিই লা-ইলাহা ইল্লাল্লাহ (আল্লাহ ছাড়া কোনো সত্য ইলাহ নেই) এর অর্থ।

হাদীসে এসেছে: “সকল কাজের শ্রেষ্ঠ হল ইসলাম, যার স্তম্ভ হল সালাত এবং সর্বোচ্চ শিখর হল আল্লাহর পথে জিহাদ।” [৫৮] আল্লাহই অধিক গুণাত।



- ◆ প্রতিটি মুসলিমের উপর যা শিক্ষা করা আবশ্যিক।5
- ◆ হানিফিয়্যাহ হচ্ছে: ইবরাহীমের ধর্ম। আর তা হচ্ছে: শুধু এক আল্লাহর ইবাদাত করা।6
- ◆ আল্লাহ যেসব ইবাদতের নির্দেশ দিয়েছেন তার প্রকারভেদ: 8
- ◆ দ্বিতীয় মূলনীতি: দীন ইসলামকে দলীলসহ জানা।..... 10
 - প্রথম স্তর: ইসলাম 11
 - দ্বিতীয় স্তর হচ্ছে: ঈমান 12
 - তৃতীয় স্তর হচ্ছে: 'ইহসান', এর একটি রুকন..... 13
- ◆ তৃতীয় মূলনীতি: তোমাদের নবী মুহাম্মাদ সাল্লাল্লাহু আলাইহি ওয়াসাল্লামকে জানা। 14



ثلاثة الأصول وأدلتها

باللغة البنغالية

تأليف:

محمد بن عبد الوهاب

جمعية الدعوة والإرشاد وتوعية الجاليات بالربوة

مسجلة بوزارة الموارد البشرية والتنمية الاجتماعية برقم ٣١٢١
هاتف: +٩٦٦١١٤٤٥٤٩٠٠ فاكس: +٩٦٦١١٤٩٧٠١٢٦ ص ب: ٢٩٤٦٥ الرياض: ١١٤٥٧
P.O.BOX 29465 RIYADH 11457 TEL: +966 11 4454900 FAX: +966 11 4970126



OFFICERABWAH